


元末六

貞南胡集下



貢南湖詩集

元貢性之

友初甫

明潘是仁

訥叔甫



七言律詩

題清隱卷

愛爾隱居清且佳  
風致宛若神仙家  
白石新煮潤如玉  
丹火出林紅似霞  
豈無大田種嘉林  
亦有別澗流桃花  
飄零江海未歸去  
笑我蕭蕭雙鬢華

題山澤

老去儒仙似鶴癯歸來山澤足閑居  
榭楠遠屋當年樹圖史堆牀歷代書  
藥圃荷鋤時自斲酒瓢緣客不教虛  
青山滿眼連吳越卧看晴雲日卷舒

林壑深秀爲鄧宗經賦

芙蓉城郭自天成長日開軒看雨晴  
飛瀑曉翻千嶂雪驚濤秋湧萬松聲  
雙雙去鳥風中度一一遊人畫裏行  
濟世功成許歸隱肯教林壑負深盟

送葉南夫

君家盛事古今稀九十雙親七十兒  
四百八中同

戍日八千里外獨歸時樽前舞袖花前酒  
畫裏關山卷裏詩親故爭傳看遠客不妨銀燭夜筵遲

送人之靖州從軍

十年書劍遠從軍萬里驅馳淨虜塵  
報國有身甘負戟思親無日不沾巾  
馬嘶青海邊頭月人卧黃沙磧裏春  
看取漢庭功策在要時圖像入麒麟

登越王臺次任一初韻

芙蓉城郭自天開形勢盤回亦壯哉  
風作鳴潮吹雨散山如走馬渡江來  
王圖霸業今何在越寺吳

宮莫漫哀此日明年各何處更須扶醉一登臺

清燕堂

江山深處畫堂深朋宴曾闢屢盒簪奕世衣冠惟  
望族百年桑梓尚喬林珠簾捲雨聽春晝寶鴨含  
煙散夕陰我亦有懷同笑語圖書堆裏坐鳴桹

寓毘陵旅邸

月光涼墮夜堂深草草盃盤款款斟歡喜情懷無  
復舊別離時節又從今坐消爐篆清烟細聽徹壺  
籌玉漏沉關隴祗緣頻作客翻令兒女訝鄉音

送別

江上船開起棹歌離愁無奈故人何桃花流水春  
三月楊柳東風雨一簑送別轉嗟形影獨相思從  
此夢魂多到時定有平淮策勛業終歸馬伏波

雲錦溪

東西岐路一橋分南北人家兩岸村賣酒青帘縣  
屋角採菱小艇繫籬根不將姓字通朝市只許詩  
書遺子孫我亦江湖倦遊客卜隣他日願從君

梅花次韻

夢別羅浮知幾年看君圖畫思茫然春回大地香  
生樹影落晴窻月在天東閣有詩懷水部孤山無  
酒酌逋仙分明記得相逢處多是溪橋野水邊

看水軒

溪上幽軒護石缸雨餘偏愛碧淙淙遊魚出沒不  
多個白鳥往來時一雙對影直疑人照鏡濯纓還  
許獨開窻詩人醉後償高卧絕似孤蓬泊楚江

臨清軒

面面開窻瞰碧波南風時送晚涼多洞簫吹徹聲

如縷釣艇歸來小似梭醉拍欄干春浩蕩坐邀明  
月夜如何莫嫌此處人來往愛聽滄浪孺子歌

挽陳克仁

別時深念見時難握手分違泪眼看旅櫬有靈歸  
故里游魂無定繞長干西風望斷雲邊鴈夜月啼  
殘鏡裏鸞最苦女孫攜白髮老懷令我重辛酸

送徐彥中

旅思鄉愁不自降短篷吹雨渡長江陽關莫謾歌  
三疊別酒須傾玉一雙隔岸紅塵迎去旆倚門白

髮候歸幢到家歡喜都忘倦閑聽諸郎讀夜窓

送施孟莊

萬里思親萬里心見時何啻萬黃金烏蠻日落千山  
暝紫邏雲生六月陰叱機穩馱夷女醉猩紅新  
染毳袍深江南更有慈闈在看取衣縫密密針

送陸景宣靖州從軍

蠻荒溪洞極邊頭仗劍從軍憶壯遊楊柳春風千  
部落旌旗曉日萬貔貅路經彭蠡洲前過江自巴  
州峽外流早報達人歸聖化貂蟬從古出兜鍪

送王魯從軍

嘆息儒冠早誤身謾將書劍學從軍三千客路多  
依水幾點青山半入雲曉日旌旗明虎帳春風鼓  
角動轅門倚間望斷慈親眼湘北湘南一夢魂

寄題綠遶軒

聞說軒居暢雅懷卧聽春雨自天來到門一水連  
環合入座千峯罨畫開閑處有書消歲月眼中無  
地著塵埃致身蕭爽何由得吟寄新詩愧不才

環翠軒

青山遶屋樹當門濕靄晴嵐迥不分吟捲朱簾朝  
拄笏坐邀明月夜開樽不將姓字通朝市只許詩  
書遺子孫何日扁舟上於越爲君長揖謝塵氛

次景三山韻寄周采烟

倚遍闌干月色饒美人何處自今宵雲將雨意驚  
秋早鴈帶邊聲入座遙爐裊青烟香作篆酒翻銀  
甕玉爲瓢相期早遂歸田計兩鬢秋霜未易消

咏吳山景

鸞翔鳳翥枕江流秀奪江南第一州螺髻巧盤雲

外影蛾眉深鎖雨中愁舞衣春試鴛鴦錦歌扇晴  
翻翡翠樓寶馬香車游冶子賞心誰不爲遲留

西江艸堂

江水西來帶草堂風流渾似百花庄漁歌日送潮  
來往庭草春隨樹短長滿眼雲山新入畫傳家袍  
笏舊堆牀娛親更好兄兼弟取次筵前舉壽觴

次韻唐愚士留別之作

曾共秦川話未歸詩情常在九龍池上林花氣春  
風日長樂鍾聲夜雨時美酒眼前拚却醉空名自

後不須垂故鄉朋舊無多在君去如君更有誰

### 讀史

自緣天運不尋常勝敗兵家豈易量三戶滅秦皆  
楚語重瞳不渡殆天亡怒來我亦坑降卒事定人  
能殺假王寄與英雄須入慮莫教辜負魯連狂

### 送人之任

別去十年纔一見到家兩月又南行功名自是丈  
夫事離合總關朋友情蠻夷久矣歸王化蜀道于  
今似砥平蒞官政及春如海瘴雨時晴花滿城

### 喜魏仲房見過

江上柴門掩夕暉客來剛被鵲先知出迎不較衣  
翻着對飲寧辭殘倒垂話到更深無斷處起看月  
落幾多時人生恨不如潮信暮去朝還有定期

### 樟亭送別

昨日渡江今日還羨君行路不辭難船頭白鳥波  
心浴蓬底青山雨裏看對酒不須生別思到家先  
爲問親安東歸擬借西窗榻飽聽書聲坐夜闌  
宿遠公西墅房



貢南湖七律 卷四  
客路緣江十里長，倦行來宿遠公房。石田已足今  
秋雨，橘圃新收昨夜霜。樹裏柴門渾宋宋，人間塵  
土正茫茫。明朝不忍輕爲別，如此相逢有幾場。

題畫

白沙翠竹溪邊路，綠樹青山郭外邨。釣艇直隨流  
水出，僧鍾遙隔暝烟聞。謾誇李愿居盤谷，絕勝龐  
公隱鹿門。如此故鄉歸未得，看君圖畫一消魂。

送王布政三舍還鄉

楊柳江亭漲綠烟，美人獨上孝廉舡。到家正及黃

花節，一路初經白鴈天。膝下彩衣朝獻壽，庭前銀  
燭夜開筵。百年喬木應如舊，早報平安到客邊。

天光雲影軒

半畝方塘近草堂，尋常雲影帶天光。曉寒不覺研  
硃露，春暖惟聞洗藥香。西海幾時栽弱木，東流何  
處接扶桑。我來借榻觀秋水，坐納銀河夜氣涼。

送戴伯貞檢校還廣西

桂江烟水接瀟湘，逐客歸來道路長。卷裏謾多新  
製作，篋中猶是舊衣裳。逢人且說身如夢，老我相

看髮已霜此去莫教音問隔鴈飛今喜過衡陽

題安節堂

高堂阿母早孀居白髮如絲志不渝歲晚粢盛供  
祀事夜深機杼先家奴院花只種忘憂草庭樹容  
棲返哺鳥好是子孫能獻壽藹然重慶入新圖

次韻贈僧

文炳慈光幾許長汪汪襟度小沅湘烏藤拄杖扶  
來瘦絳色輕袍製得方潮答梵音朝洶湧窻涵海  
日氣蒼涼騷人釋子門多轍經卷詩囊積滿床

送趙文中

朔漠風塵已十年奉親無計得生還骨將魂魄依  
鄉土葬入湖山有墓田報國謾多經世畧齊人久  
熟衛生篇贈君此別歸何日春雨秋霜重惘然

梅月雙清圖

月到梅花分外明暗香疎影鬪雙清吟隨野鶴依  
瑤樹卧聽飛鸞載玉笙酒醉不知霜滿屋書聲常  
共漏三更此中意味無人識謾說仙家白玉京

過龍岡祠

龍岡樓觀新落成身世恍若居蓬瀛斗牛夜吐天外氣鷄犬晝度雲中聲怒驅六甲鬼神泣笑引雙童環珮清明年我亦相尋去坐對碧桃吹玉笙

水竹軒

萬竹蕭蕭水遶門九街車馬自晨昏晴天波影搖  
颺戶靜夜爍聲入夢竟曾爲故人頻下榻每因佳  
客屢開尊百年清致今猶昔春雨深深長子孫

送陸景文從戎

母在高堂子戍邊去留殊使寸心懸蒼梧山暝雲

連樹青草湖春水拍天報國底須慚負戟倚門應  
悞候歸鞭戎衣早換萊衣着忠孝看君得兩全

城南耕隱

愛爾城南隱者居春田遶屋揔膏腴兒孫候煖晨  
驅犢燈火分涼夜校書入社有懷占樂歲趨朝無  
憂候公車相逢自歎飄零久投老歸來愧不如

次萍居留別韻

且勿長亭折柳枝離筵已判酒如池因思會面難  
期處直使啣盃到醉時檣燕留人雙上下岸花迎

客半低垂計程明日毗陵道吟寄新詩欲倩誰

贈肖山劉縣丞

野夫於世久無聞出郭忻逢父老論何事一從君  
作縣催租不識吏敲門夜燈機杼聲連屋春雨桑  
麻綠徧村它日循良應有傳肯將名節讓劉昆

兵後過諸暨

千里江山百戰餘年來寸土入皇圖人行共指西  
施宅身退誰歸范蠡湖茅屋漸成新里社居民元  
是舊流逋絕憐父老今無幾欲問當時不受呼

紙窻梅影

雪繭涵虛爛若銀眼明驚見一枝春不愁清夜人  
吹笛要倩黃昏月寫真頗怪無根生造化絕勝照  
水弄精神乍晴乍雨頻來往身外誰知別有身

送徐汝林省親

此日思親念故鄉青青柳色映歸航眼前兒女如  
君少席上賓朋笑我狂歸夢苦嫌春夜短江流不  
盡客愁長到家歡喜共甘肅燈下杯盤取次將

題村居圖

貢南湖七律 卷四  
綠槿編籬水遶門數家鷄犬自成村  
夢魂不到黃金闕  
歲月都消老瓦盆  
土室夜寒勞紡績  
沙田雨足趁耕耘  
九街車馬多如織  
懷抱何由得似君

重過諸暨觀新漲

孤城寂寞枕江流  
城上高樓起暮愁  
帆影直過天側畔  
漲痕渾沒樹梢頭  
魚龍變化應難測  
桑海更遷莫慢憂  
世事天時攄如此  
寄身我亦一浮漚

井南丹室

仙翁隱處存丹井  
汲井憐君復煉丹  
朱永曉隨雲

氣合翠烟晴掩月光寒  
鬼知火候窺霹靂  
虎作人形護藥闌  
我亦卜鄰從此老  
蓬萊不隔海漫漫

有懷夏文度文表昆仲

珍簞生涼簇浪紋  
寶爐香煖散晴熏  
葛巾白苧消三伏  
繭紙烏絲寫八分  
文思勇追韓吏部  
詩才清逼鮑參軍  
眼中年少多如許  
獨尔風流莫與群

貢南湖詩集

元貢性之

友初甫 著

明潘是仁

訥叔庸 輯校

五言排律

題畫

微雨歇清晝輕雲散薄陰人家隔西崦僧舍傍東  
林樵漁斷行屨山水空遺音軒冕詎不貴遊塵如  
海深披圖欲懷歸何由諧夙心

清江圖

江驛背孤城江流遶舍清露枰松下奕駟騎柳邊  
行帆落晴窻影鍾傳雨寺聲堆牀餘簡帙列座總  
耆英燕語能留客鷗馴解結盟詩郵趨埃吏衙鼓  
集關兵薄俸樽仍滿新知蓋屢傾不才翻自愧何  
以答深情

題畫山水

山水東南勝遊遨歲月遷登高頻折屐載月屢移  
舡鏡水荷花裏秦雲嶺樹邊猿偷霜果下鹿借石  
牀眠野趣閑誰適詩懷靜自便洞深通窈窕澗曲  
寫之玄采藥時逢虎看棋或遇仙僧留題竹字鶴  
避煮茶烟捷徑惟增愧移文只浪傳種桃春萬樹  
別有武陵天

貢南湖詩集

元貢性之

友初甫

著

明潘是仁

訥叔甫輯校

五言絕句

觀泉圖

此老鬢如絲徐行信所之誰知流水意都在倚欄  
時

題畫竹木

木葉已辭柯秋風日更多楚人腸易斷莫唱竹枝



歌

墨梅

醉折東籬朶看如隔暮烟莫驚顏色改不是義熙  
年

題畫白頭雙鳥

笑殺錦鴛鴦浮沉浴大江不如枝上鳥頭白也成  
雙

題畫

楊柳弄輕柔涼風落柁樓故人期不至尊酒共誰

酬

浮世從他狎扁舟別樣寬醉眠都不管閑却釣魚

竿

畫蘭

孤芳抱幽獨林下澹相娛多少春園樹花開總不  
如

題畫

偶抱瑤琴出雲山足賞心城中十萬戶豈是少知  
音

石瀨清冰合黃山白戰塵道人禁得冷扶醉過溪橋

雀

野雀振雙翰卑枝立自閑莫愁風力緊絕勝紇干山

荆棘半低垂幽禽祗自悲可憐棲不穩不似上林時

隱居

柴門樹裏開瀟灑絕塵埃俗客何曾到閑雲自往

來

題畫

樓倚溪頭水溪環竹外山扁舟垂釣者相對白鷗閑

畫梅

影逐雲邊月香傳水際風幾回曾引鶴來此獨支筇

月下獨吟時寒香襲暗衣直疑春信早胡蝶作團飛

風雪破窰圖

寒  
妻兒且息怒風雪任漫漫袖有春風手能溫天下

櫻桃

枝壓垂垂重紅圓顆顆勺漢廷當日宴曾賜內家  
臣

墨菊

陶令始休官歸來酒量寬淡烟迷醉眼不似舊時  
看

海棠

風  
袖捲羅衫翠腮含酒暈紅只疑妃子醉無力倚東

六言絕句

題四景畫爲王僉憲作

春山烟雨

柳帶輕烟澹澹花含宿雨深深魚樂新添曉漲鳥  
啼越覺春陰

長夏雲林

雨過溪流交響樹涼暑氣潛消不是謝公別墅定  
應杜老西郊

湖山秋霽

第一江南風景四時湖上笙歌山鳥不驚儒服沙  
鷗慣識鳴珂

江天暮雪

一色水天上下半蓬風雪西東占卜無煩太史徵  
書已兆非熊

題畫扇

三間兩間茅屋五里十里松聲如此山中景色何  
時共我同行

萬事從教計拙千金難買身閑船尾都教載酒船  
頭飽看青山

鴨嘴灘連溪尾羊腸路轉山腰雲氣晴晴雨雨泉  
聲暮暮朝朝

綠樹灣頭釣艇青山凹裏人家前度劉郎去也莫  
教流出桃花

貢南湖詩集

貢南湖詩集

元貢性之

友初甫 著

明潘是仁

訥叔甫輯校

七言絕句

東坡竹

玉堂罷值獨歸遲  
墨潘將秋入硯池  
坐到夜深清不寐  
鎖窗涼影碧參差

畫馬

天閑牽出許奚官  
飲罷春流未解鞍  
記得曾陪仙

伏立五雲深處隔花看

小景

綠垂楊柳舞依依紅壓桃花萬樹低記得湖山堂  
上路玉人扶醉畫橋西

題楊少愚梅花便面九里山王斯文畫

新製齊紈似月圓縠紋如水鬪嬋娟回從九里山  
前過折取梅花上采烟

鴈

曾記瀟湘泊晚船鴈聲不斷水連天如今見畫渾

如夢落日平沙在日前

棄瓢

萬乘曾聞一羽輕耻垂千古是虛名靜中別有閑  
天地肯信風瓢歷歷聲

題菜

幾年夢斷八廚珍老去偏於此味親莫向世間容  
易說也應來學灌園人

墨菊

柴桑生事日蕭然解印歸來只自憐醉眼不知秋

色改看花渾似隔輕烟

送別

桃花浪煖錦帆開  
楊柳風輕燕子來  
無限離情似  
江水隨人直向鳳凰臺

綠陰垂釣

茅屋人家隔薜蘿  
綠陰窻戶晚涼多  
日長借得南  
風便時送滄浪一曲歌

青山白雲

谷口溪頭路欲迷  
樹涼不受晚風吹  
分明記得曾

游處不是匡廬定武夷

赤壁磯

漢江東下水微茫  
怪石危磯古戰場  
謾有坡仙重  
賦詠至今形勝屬周郎

觀畫

滾滾長江入窈冥  
越山無數隔江青  
一雙白鳥誰  
驚起衝破蒼烟下別汀

題犬

深宮飽食恣狎獍  
卧毯眠氈慣不驚  
却被捲簾人

放出宜男花下吠新晴

畫馬

竹耳風髯夾鏡瞳  
滿身雲氣是真龍  
而今苦受人籠絡  
惆悵曾收百戰功

題竹

美人環珮玉玲瓏  
騎得青鸞下碧空  
寂寞湘魂招不返  
鳳簫聲斷月明中  
九疑山頭天欲雨  
美人遙遙隔湘浦  
自甘林下抱幽真  
不與梅花續芳譜

珊瑚獻樹出海水  
鳳凰振羽鳴朝陽  
鈞天一夢十年隔  
風雨令人空斷腸  
湘雨涼生綵鳳翎  
半窻清影動秋聲  
何當截作參差管  
付與伶倫奏九成

題梅

平生心事許誰知  
不是梅花不賦詩  
莫向西湖踏殘雪  
東風多在向陽枝  
斜月微明照粉牆  
老逋庭樹已荒涼  
今朝對畫如相見  
只欠東風暗度香



雪晴何處領東風只有南枝信早通記得醉歸湖  
上夜淡雲斜月粉墻東  
淡月微雲雪未乾瓊樓高處倚欄看道人自是心  
如鐵更比梅花耐歲寒

畫馬

偃蹇龍駒不受羈貢來遠自渥洼西天閑立仗歸  
來晚猶向東風振鬣嘶

墨梅

春到江南總不知東風消息在南枝多情明月能

將影來伴西窗客卧遲

題畫四景爲談憲副賦

瀑掛晴川百丈長樹涵新雨晝生涼公餘獨領溪  
山勝彷彿裴家綠芷堂

面面窗虛瞰碧流未涼先占一天秋石梁迥與人  
間隔半點紅塵得暫畱

江上船開趁晚潮雨花涼葉思瀟瀟共黃鶴扶  
搖上矯首青雲不可招

四窗不夜湛空虛柳絮如雲可得如幾度臨風披

鶴筆恍疑身在玉階除

題黃子久畫

此老風流世所知詩中有畫畫中詩晴窗笑看淋漓墨贏得人呼作大癡

題畫

淑氣蒸人似酒醺看花無語惜芳辰雲廊月榭深如許何處春炎最惱人  
風來水面綠生波雲淨山頭翠擁螺白鳥驚飛背人去一聲何處采菱歌

畫棋便面

嫦娥深住廣寒宮不許人間信息通秋來折盡婆娑桂偷得寒香在月中  
昨夜遙聞鐵笛哀夢回疑是玉人來誰將姑射仙家樹移向嫦娥月裏栽

仙居圖

瑤館珠宮白日遲石林瑤草路逶迤何時我亦相尋去借爾雲間一鶴騎

海上羣山似劒峰仙人樓觀爛青紅蓬萊弱水三

千里彷彿何由得路通

送陳知州考滿之京

聞說陳侯有政聲三年宦况似冰清今朝送別江  
頭水江草江花總是情

十八學士圖

聞說瀛洲尺五天會中賓客總成仙分明一段風  
流夢猶向人間畫裏傳

題趙文敏公所書康節詩後

奎章閣下暮歸遲醉寫堯夫七字詩流落人間看

遺墨爲君掩卷不勝悲

題畫竹

青天空闊雨晴時么鳳亭亭欲下遲明月滿天秋  
似水珮環聲動碧參差

嫋嫋風前瘦不禁影橫秋水弄秋陰願將傲雪凌  
霜操散作明時彩鳳音

鷓鴣啼斷水龍吟舟過湘江夜雨深清思滿懷無  
着處却將墨沼寫秋陰

王孫筆底最風流愛寫瀟湘六月秋惆悵帝魂招

不返時時飛夢落丹丘

題盧東牧雲山

濕霧晴嵐畫不分一溪流水碧沄沄  
閑門深鎖無人到只許山君管白雲

題畫馬

駿氣驍騰不受羈貢時遠自渥洼  
西花陰立仗歸來晚騎向天街自在嘶

題畫梅

王郎曾次亦清奇畫寫孤山雪後枝  
老我江南無

俗事爲渠日日賦新詩

奈爾年年早得春月香水影弄精神  
東家縱有閑

庭館俗李龕桃總後塵

羅浮山下著青鞋踏雪曾看爛熳開  
好似人家茅

屋底一枝先占短牆來

九里山前一萬栽年年先占百花开  
魏毫解奪天工巧勾引春風畫裏來

十月江南正苦寒花开如雪雪成團  
如今老盡咸平樹只寫前身畫裏看

王郎日日寫梅花寫遍杭州百萬家向我題詩如  
索價詩成贏得世人誇

陶靖節像

解印歸來尚黑頭風塵吹滿故園秋一生心事無  
人識剛道逢迎愧督郵

林和靖像

琴鶴相隨信杖藜忍寒花下立多時月香水影清  
無際消得先生七字詩

題畫蒲萄松鼠

猥似彌猴捷似猱栗稍走遍又松稍紫萄若使知  
滋味一日能來一百遭  
野鼠公然不畏人立當高樹竟忘身世間嗜欲多  
如此寄語園丁莫浪嗔

釣魚圖

不將吉夢兆非熊不着羊裘大澤中買得小舟湖  
上釣一竿長日引清風  
賀監湖頭秋水清越王臺上秋月明偶因把釣忘  
歸去不是來沽隱士名

菜

葵青芥紫嫩生香束就畦  
倉遠送將幾日醉頭扶  
不起正思辛辣沃焦腸

題畫

瑟瑟松風生畫寒  
大開窗戶借書翰  
明時正爾求賢急  
未許先生樂考槃

買臣負薪圖

負薪日日不辭勞  
擔在肩頭斧在腰  
十載歸來憐去婦  
至今羞過覆盆橋

題畫花鳥

山禽自惜好毛衣  
占斷東風第一枝  
更喜琅玕新結實  
側身偷眼立多時

題畫

霜葉如丹染未勻  
錯刀新剪翠網縕  
白頭莫笑孤飛翼  
不入喧啾百鳥羣

近水軒窗五月寒  
相逢須放酒杯寬  
城中亦有知音者  
來借青山醉裏看

畫蘭

紛紛紅紫鬪芳春  
受得天家雨露新  
騎馬看花兼載酒  
不知林下有幽人  
林下佳人迥不常  
倚風無語澹生香  
憑誰寫作靈均賦  
爲爾招魂到楚湘

雲山圖

鴨嘴灘頭燕尾分  
西風吹老樹無根  
何人醉酒淋漓墨  
半是青山半是雲  
青山如削白雲連  
茅屋人家隔暮烟  
輸與山翁春睡穩  
不知何處夢朝天

題畫

瀑流飛花散晴雪  
落日照影香爐峯  
先生神遊八極表  
天風環珮秋玲瓏  
多景樓連鍊甕城  
壯游猶記昔年曾  
江心遙見金山寺  
風裏鐘聲塔外燈

畫鴈

漠漠平沙帶淺流  
斷蒲衰葦不禁秋  
南來已信無矰繳  
宿食飛鳴各自由

題梅

冰肌玉骨本清奇  
栽向僧房分外宜  
昨夜月明初  
夢覺起來重  
和老逋詩  
僊子凌寒下  
玉墀妖紅黛綠  
不曾施  
誰知一段風  
流態不共芳蘭佩  
楚姬  
曾記西湖雪霽時  
東風先到向南枝  
如今老盡身  
如鶴不是梅花不賦詩

墨菊

曾過陶潛五柳庄  
滿籬新菊弄輕黃  
如今顏色都  
非舊  
煤麝烟中別有香

題鑑湖夏景

鑑水微涵五月涼  
荷花菱葉淨生香  
酒船若許頻  
來往更比當年賀老狂

捐疊扇

出懷入袖總相宜  
用舍行藏各有時  
不是漢宮秋  
信早棄捐何得怨班姬

蘭竹

林下幽姿孰與儔  
紫蕤綠葉弄輕柔  
翠華不返蒼  
梧晚湘雨湘風總是愁



翠鸞飛下尾氍氍恠石嶄崑倚碧潭一路鷓鴣啼  
不斷行人揮淚濕征衫

寄友人

瘴雨蠻烟萬里餘別來消息近何如誰憐白髮疎  
狂處猶寫平安兩字書

木蘭

好雨晴時晝景遲煖風和日長辛夷深閨莫道無  
人到粉蝶今朝也得知

梨花

庭院深沉淑景長一枝晴雪淡生香看春又過清  
明節倚遍欄杆幾斷腸

題畫

柳邊游騎水邊船爭向西湖醉管絃記得當年行  
樂處六橋風景尚依然

林下軒窗六月寒抱琴來此借山看相逢莫問城  
中事無那紅塵沒馬鞍

盤盤石蹬躡岩堯似與秋空氣共豪記得鳳凰亭  
子上大開窻戶看晴濤

遠山近水白糲糊凍合行人一箇無輸與高樓歌  
舞處有魚堪買酒堪呼

書所見

使者徵兵夜度關南人無奈北風寒將軍空受登  
壇拜羞向燈前把劍看

送戎人還雲南

十載驅馳汗馬間錦衣綉襖獨南還明朝又向江  
頭別客思鄉愁去住難

東山圖

烏帽青衫晉謝安無端紅粉臥東山當時浪說桓  
司馬那似風流傲世間

梅花雙鳥圖

茂陵帝子宴瑤池翠管銀笙取次吹王母不來桃  
未熟可憐雙鳥立多時  
雙禽自惜好毛衣相逐東風不暫離立向芳枝花  
似錦武陵溪畔雨晴時

雲山圖

百折溪流路轉深濕雲低壓樹陰陰山中底事知

秦晉剛被漁郎說到今  
閑身閑看白雲閑更愛青山懶出山別起樓臺半  
空裏只教鐘鼓落人間

畫梅

誰畫梅花便索詩梅花應與我相知要知一段和  
羹意須待青青結子時

題竹

渭風湘雨晚蕭蕭  
佳人不可招安得結成千  
歲實遲他丹鳳下青霄

翩翩么鳳下晴空半入江雲半落風憶昔瀟湘浦  
船處玉簫聲斷月明中

題畫

溪上危橋獨木樁杖藜欲過更遲遲秋光何處堪  
消日付與山人一局碁

梅雀圖

春到羅浮第一枝翠禽枝上立多時數聲啼落參  
差月腸斷佳人夢覺遲

梅仙圖

微雲纖月澹無輝  
竹影花香亂襲衣  
一片閑情無可托  
高唐雲夢是耶非

墨蒲萄

酒醒西樓月欲斜  
滿窗晴影走秋蛇  
狂夫賸有相如渴  
一滴涼州未許賒

子猷訪戴圖

浪說清狂晉七賢  
懷人夜上剡溪船  
當時若解神交意  
贏得歸來爛醉眠

枯木竹石

霜風吹盡葉聲乾  
贏得看山眼界寬  
一夜秋聲無着處  
明朝重爲倚闌干  
恠石拳礪崖谷深  
涼風簫瑟蒼雪陰  
美人何處解長佩  
湘波澧水勞予心

題畫

顥氣澄澄夜景遲  
有懷誰與共襟期  
好風涼月濤如許  
正在天心水面時  
月明風靜夜如何  
船向三江七澤過  
涼影滿蓬成  
獨坐半聽楚調半吳歌

真南湖七絕 卷七  
柳風澹澹月纖纖江上風波午夜恬莫向船頭吹  
鐵笛九淵深處有龍潛

桔槔

渴龍下飲九河枯脚底頻移日易哺樹尾烏鴉飛  
不斷能教槁外一時蘇

畫馬

龍駒新浴出天池駿氣驍騰不受羈報道君王歸  
使殿許教太僕被來騎

柯博士竹

丹丘遺老舊詞臣歷代圖書鑒賞頻閑却玉堂輝  
翰手墨池染出鳳毛新

倭扇

外番巧藝奪天工筆底丹青智莫窮好似越裳供  
翡翠也從中國被仁風

觀奕圖

笑殺王郎底事癡斧柯爛盡不曾知却拋塵世無  
窮樂只博山中一局碁

畫蘭

吳剛斫斷雲根石不數珊瑚高百尺美人林下獨  
含愁霹靂一聲山鬼泣

過鑑湖

歸思關心路轉遙打頭風急滯蘭橈夕陽江上秋  
無數血點蜻蜓立翠茗  
南風吹斷採蓮歌越女船開小似梭却恐紅粧不  
成態背人偷照鑑湖波

題畫

老夫自是山林客愛看山林在畫圖何處有山如

此景也移茅屋此中居

湖上軒窗傍水開眼中無地着塵埃日長莫恠無  
人到也有樓船載酒來

九衢塵土沒征鞍爭向朱門事送還寄語山中隱  
居者如何消得許多閒

十年塵土夢初醒兩耳松風不厭聽好似雲門山  
下路若耶溪水碧泠泠

畫梅

九里山前舊識君醉來筆底自生春曾誇梅信春

先得今日梅花是後身

美人一別已千年暮雨朝雲思窅然昨夜酒醒渾  
不寐一枝和月到窻前

懷人無處托相思貌得東風第一枝却憶尋君霜  
月下滿身香影立多時

曾記西湖雪霽時春風消息在南枝如今老盡咸  
平樹都寫閑情付補之

北風獵獵吹人倒門外雪深三尺強何事梅花偏  
耐冷一枝先向雪中芳

美人家住在羅浮奪得春風第一籌月影水香無  
限意羣花端合讓風流

朔風撲面凍雲垂引鶴衝寒出郭遲却憶西湖霜  
月下美人相伴立多時

江城鐘鼓夜迢迢霜月多情照寂寥更有梅花是  
知己小窻斜度兩三梢

摺疊扇

舒卷從人各有時江南六月正相宜世間聚散多  
如此滿面炎涼莫自疑

題菜

西風吹動錦爛斑  
曉起窺園露未乾  
三日宿醒醒不得  
正思風味到辛盤  
雨過畦蔬綠漸勻  
呼童小摘慰情親  
箇中滋味如諳得  
不是尋常肉食人

題竹

嫩人別後不堪招  
十載風流已寂寥  
醉裏看詩仍看畫  
滑風湘雨晚蕭蕭

紅梅

美人扶醉下瀛洲  
雲佩霞裾不奈愁  
折向瑤池獻王母  
只消青鳥立梢頭

凍鳧

折葦疎疎葉半枯  
北風吹雪滿江湖  
上林多少如雲樹  
不借高枝立凍鳧  
江天歲晚景淒淒  
雲脚低垂望欲迷  
水鳥畏寒飛不起  
黃蘆枝上並頭棲

題畫

綠陰臺榭午風涼  
翰徧山光與水光  
獨有酒船何



東坡詩集卷七  
處客清狂不讓賀知章

杖藜扶醉出城遲  
童子攜琴款款隨  
早信知音無處覓  
黃金先合鑄鍾期

此生無夢到京華  
到處溪山卽是家  
昨夜石橋新過雨  
錯教劉阮認桃花

五侯門外馬如龍  
曾向東華候曉鐘  
不是蹇驢馱醉穩  
抱琴隨處得從容

石上三生夙有緣  
十年重見葛洪川  
分明一覺荒唐夢  
浪作人間畫裏傳

牧牛圖

郊原春草綠茸茸  
牛背如舟卧牧童  
自是太平新氣象  
錯將畫意屬良工

慈竹萱花圖

阿母晨梳鶴髮明  
彩衣舞罷學啼嬰  
竹間更種忘憂草  
也比兒心一寸萌

桃花馬

千載蟠桃花正新  
瑤池王母宴青春  
不知八駿歸來晚  
紅雨隨風落滿身

蹴鞠圖

塵世都如傀儡場逢場作戲又何妨機關活處隨  
圓轉浪子郎君濟楚娘

題梅

梅花風韻世無雙信信花神合爾降恠得酒醒春  
滿屋影將明月上虛窻  
莫恠臨風有所思美人別去已多時段家橋下維  
舟處卧看冰花影倒垂

題畫

綠樹浮陰散夕曛黃茅覆屋帶晴雲日長獨領溪  
山勝俗駕何曾許到門

馬足車輪盡日忙夢魂不到水雲鄉閑人自識閑  
邊趣小簞疎簾坐晚涼

人間無處避囂塵盡說山間與水濱如此好山兼  
好水避囂來此更無人

曾共東家看牡丹玉人扶醉不知還如何舊日風  
流夢都付秋林遠岫間

竹軒

爾家種竹幾千竿翠雨蕭蕭六月寒我欲攜琴兼  
載酒扣門閑日借來看

題梅

萬玉團香綴短枝月香水影弄參差東風不是飄  
零早要看青青結子時

鐵榦虬枝雪裏埋月將微影送春來晴風三日都  
消盡合讓芳姿爛熳開

美人嗟苦減腰圍瘦影冷竚不自支只有梅花是  
知己相逢多在月來時

蘇小門前雪未乾幾回乘興到孤山如何一段調  
羹手付與疎花冷蕊間

十年癡坐冷官氈幾度看花雪後天白水同心如  
此調載將春色上歸船

萬里無雲月正高翠禽啼斷酒初消靈均自是非  
知己不寫芳魂入楚騷

曾記西湖雪霽時粉墻斜露兩三枝不應漏泄春  
光早都得風流讓補之

畫馬

真南洲七絕  
卷七  
三十三  
奚官牽出莫歸遲  
豐草甘泉御苑西  
記得曉趨金殿直  
百花深處聽嬌嘶  
龍駒來自渥洼西  
萬里長風入八蹄  
報道君王歸便殿  
奚官牽過不教嘶

釣魚圖

溪樹蒼茫帶晚烟  
溪流逆上似登天  
歸來釣得鱸魚美  
只博西窗一覺眠

贈袁士謙

門外青山自古今  
閑雲忽占最高岑  
今朝又復爲

霖雨道是無心却有心

白描海棠花

美人睡起不奈愁  
弄粉調朱只謾羞  
閑倚綠窻春晝靜  
雙鸞飛下玉搔頭

簫史吹簫圖

天風吹落鳳凰聲  
入在青雲第幾層  
如此樓臺好仙景  
又從簫史學飛昇

畫嶼

海浦天寒落晚潮  
怒晴紅甲利雙螯  
酒邊若得金

盤薦也續坡仙賦老饕

畫梅竹

十日嚴寒雪未乾  
冰花一樹倚琅玕  
從今勝取花前醉  
次第春風看牡丹

題畫

擾擾黃塵沒馬鞍  
幾人消得此中閑  
綠陰清晝深如水  
飽看溪南雨後山  
獨樹樅橋屋覆茅  
白雲如水漫山腰  
故人亦有幽棲志  
載酒來尋不用招

雨晴雲氣白紛紛  
亂出山腰似餽饋  
樹裏軒窗涼似水  
不妨畱客共開尊

懶着麻鞋踏市塵  
不騎官馬傍人門  
畫船多載如澠酒  
卧看青山起白雲

憶昔雲癡似米狂  
風流文采不尋常  
別來只與雲山隔  
只隔雲山不可望

洞口桃花萬樹低  
春光多在灞陵西  
幽人自得尋芳興  
驢背詩成路欲迷

題翠竹紅梅

美人燕罷酒初消  
凌亂雲鬟壓步搖  
莫遺翠禽啼  
夢斷醒來無處托  
春嬌

題菜爲高大使賦

大廚分錫太官羊  
曾識而翁在廟堂  
此日逢君江海上  
已將滋味厭膏粱

題畫

江春水晚微茫  
醉倚蓬窗客思長  
忽聽簫韶雲外落  
松風輕度鬢絲涼

我愛風流賀季真  
論交況是謫仙人  
鑑湖一曲新

開宅贏得樓船送酒頻

梅

眼中誰識歲寒交  
只有梅花伴寂寥  
明月滿天天水酒醒  
聽徹玉人簫

年深積得滿身苔  
花好都從雪裏開  
笑道故園桃李樹  
春來胡蝶謾成堆

戴春雨

江上雪晴春水生  
江頭立馬看潮平  
江流不盡滔滔意  
却似與君離別情

美人燕罷酒初消  
凌亂雲鬟壓步搖  
莫遺翠禽啼  
夢斷醒來無處托  
春嬌

題菜爲高大使賦

大廚分錫太官羊  
曾識而翁在廟堂  
此日逢君江海上  
已將滋味厭膏粱

題畫

江春水晚微茫  
醉倚蓬窗客思長  
忽聽簫韶雲外落  
松風輕度髮絲涼

我愛風流賀季真  
論交況是謫仙人  
鑑湖一曲新

開宅贏得樓船送酒頻

梅

眼中誰識歲寒交  
只有梅花伴寂寥  
明月滿天天似水  
酒醒聽徹玉人簫

年深積得滿身苔  
花好都從雪裏開  
笑道故園桃李樹  
春來胡蝶謾成堆

戴春雨

江上雪晴春水生  
江頭立馬看潮平  
江流不盡滔滔意  
却似與君離別情

題畫

雨蒲烟草接風湍綠漲平湖百畝寬却憶少年行  
樂處繞城騎馬借花看

楊妃午困圖

午夢如癡厭酒盃君王臨御未朝回當時一覺成  
千不遣遊魂到馬嵬  
故人新自隴頭歸猶帶邊塵滿客衣別去十年無  
驛使西湖風月是邪非

題紅梅翠鳥圖唐與愚士聯句

萼綠枝頭翠羽鮮貢春風早入豔陽天幾回夢覺

頻聽處

唐

正是書聲欲斷邊

貢

題畫翎毛

莫恠幽禽雪滿頭多情只爲海棠愁開元宮裏千  
株錦一夕西風起碧秋

題肅萬邦葡萄

憶騎官馬過灤陽馬乳纍纍厭架香釀就璫漿三  
百斛胡姬當道喚人嘗

題唐學士



樓頭城鼓自更更酒醒何曾睡得成二十四聲  
夜漏愁人聽得最分明

錢舜舉洗馬圖

八駿風姿已絕倫清波一浴更精神想應黃屋東  
歸足汗血曾沾遠道塵

雙竹圖

亭亭玉立鬪雙清絕似君家好弟兄記得金門承  
雨露天風吹落珮環聲

題美人圖

離離珠樹隔秋烟望斷歸帆信杳然試問海山今  
夜月不知何處照人圓

畫菜

翠釜生香泣玉脂金刀斫鱠送銀絲如今說着渾  
如夢只合江鄉老灌畦

蘭亭

亭館翛然盡日閑茂林脩竹帶崇山永和遺跡今  
猶昔都在先生指顧間

赤壁

醉坐船頭忘却歸柳陰深處晚風微山高月小秋  
無際絕似坡仙赤壁磯

鑑湖

鑑曲雨晴秋水多千年遺迹未消磨直疑賀老風  
流在亦有樓船載酒過

剡溪

朔風吹雪亂紛紛此際懷人欲斷魂不學王猷空  
返棹直教蹋徑到柴門

較獵圖


黑河流繞李陵臺胡使蕃王日逞來共說漢家天  
子盛貢將騏驎敢凡材

太白像

沈香亭北醉揮毫贏得詩成奪錦袍腸斷蛾眉江  
上月一樽誰爲酌秋濤

擁金門見柳

擁金門外柳垂金三日不來成綠陰折取一枝入  
城去使人知道已春深



山海經

卷之

